



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Capitularia Regvm Francorvm

Additae sunt Marculfi monachi & aliorum formulae veteres, & Notae  
doctissimorum virorum

**Baluze, Etienne**

**Parisiis, 1677**

XXXVI. Praeceptum Ludovici Pij Imperatoris pro Ecclesia Parisiensi.

**urn:nbn:de:hbz:466:1-22974**

& vacando videre vellet quam suavis est Dominus, quoddam docellum in pago Rutenico super rivulum Dorduntum, cuius vocabulum est Conchas, inveniens huic negotio aptum, quo in loco nonnulli Christiani propter metum Saracenorum, qui illam terram penè totam devastarunt & in heremum redegerunt, dudum confugientes permodicum construxerunt oratorium, ipse adsumpto labore propriis manibus eundem locum juxta vires mundare atque stirpare curavit, & ut aptus ejus quieti foret operam dedit. Sed non post multos dies vir religiosus Medraldus nomine eundem locum simul cum memorato Dadone ad habitandum elegit. Et quia famam bonæ opinionis vera religio illorum apud convicinos sparserat, nonnulli postponentes seculum, quietam nihilominus, quam ipsi debebant, appetere vitam conati sunt, & eorum religiosi exemplis imitatores fieri cupientes, eorum se magisterio subdidere, ac dum paulatim ipsa congregatio cresceret, Ecclesiam ibidem in honore Domini Dei & saluatoris nostri Jesu Christi construxerunt, & ut Dado juxta divinitus sibi conlatum desiderium remotiorem adhuc locum, qui dicitur Grande Vabrum, sicut & fecit, peteret, & ut Medraldus Abbas fieret, & ut ipsa congregatio regularis, juxta quod eis facultas & intellectus à Domino tribuebatur, existeret, communi voluntate actum est. His vero ita patris, contigit eandem congregationem in nostra propria speciali defensione atque tuitione devenire. Nam nos, ut plenius sub regula sancti Benedicti Domino militarent, & per bonorum monachorum consultum & per nostram creberrimam admonitionem efficere Domino opitulante studuimus; & ad proprias eorum necessitates fulciendas de rebus nostris quiddam ibidem delegavimus, Ecclesiam videlicet de Cernangis, & Ecclesiam quæ nominatur Campus Hiacus, & Ecclesiam sancti Christophori in Montiniaco constructam, cum omni integritate earum. Simili modo & Ecclesiam de Garçanga cum curte de Gammaleria. Iterum alteram Ecclesiam ad portum Acti sub honore sancti Saturnini constructam, cum omnibus appendiciis earum. Necnon similiter contulimus ibidem Ecclesiam sancti Salvatoris in Cicerniaco, & alias duas Ecclesias, unam in Burnacello, & alteram in Rucenniaco, cum omnibus adjacentiis earum, aliam quoque Ecclesiam in Ruhilia cum omni integritate sua; à quo quidem tenore & Selvanicum & omnia quæ ibidem delegata sunt per nostram auctoritatem sub immunitatis tuitione pleniter consistere fecimus, ut videlicet omni tempore memoratum monasterium cum eadem congregatione & cum prædicto loco qui vocatur Grande Vabrum, in quo memoratus Dado exoptatam sibi quietem tenuit & vivendi finem fecit, cum omnibus rebus sibi justè pertinentibus, sive quæ in præsentem tempore possideret, sive quæ inantea Dominus ibidem augeri voluerit, cum his omnibus prædictis locis qui dicitur Conchas sub speciali nostra videlicet & filiorum vel successorum Deo annuente tempora inviolabiliter consistat, ut eadem congregatio quietè semper imperiali & regali defensione tuta absque cujuslibet impedimento propositum suum Deo operante indefessè valeat observare & pro nobis

vel pro communi imperij nostri stabilitate Dominum exorare. Hæc verò auctoritas ut ab omnibus veracius credatur, manus nostræ signaculo subteream robotare & de anulo nostro sigillare fecimus.

Signum Ludovici serenissimi Imperatoris.  
Durandus Diaconus ad vicem Helisachar recognovit & subscripsit.

Data v. Idus Aprilis anno sexto Christo proprio imperij Domini Ludovici piissimi augusti, Indictione xii.

Actum Aquisgranii palatio regio in Dei nomine feliciter. Amen.

## XXXVI.

*Præceptum Ludovici Pij Imperatoris pro  
Ecclesia Parisiensi.*

**I**N nomine Domini Dei & Salvatoris nostri Jesu Christi. Ludovicus divina ordinante providentia Imperator Augustus. Notum sit omnibus fidelibus sanctæ Dei Ecclesiæ & nostris præsentibus scilicet & futuris quia vir venerabilis Ynchadus Parisiæ Ecclesiæ Episcopus detulit serenitati nostræ quasdam auctoritates quas Dominus avus noster Pippinus & genitor bonæ memoriæ Karolus piissimus Imperator ad petitiones prædecessorum suorum ipsius civitatis fieri jusserunt; in quibus continebatur insertum qualiter pro mercedis æternæ augmento & firmitatis studio eidem jam nominatæ Parisiæ Ecclesiæ per eorum auctoritates firmaverunt ut res mancipia ac telonea quæ ex liberalitate Regum vel Imperatorum vel per instrumenta cartarum eidem præfatæ traditæ fuerunt Ecclesiæ, deinceps securius possidere potuissent. Nos verò per hanc nostram auctoritatem easdem res & mancipia ac telonea ipsius Ecclesiæ confirmavimus ac roboravimus, ut in posterum rectores ipsius Ecclesiæ absque ullius inquietudine vel injusta interpellatione quietè teneant & securè possideant. Insuper etiam eidem jam nominato Ynchado Episcopo suisque successoribus concessimus atque more paterno per nostram auctoritatem confirmavimus ut nullus Comes neque ulla judiciaria potestas in terra sanctæ Mariæ in ipsa insula consistente ullum censum de terra sanctæ Mariæ accipiat, nec de familia ipsius Ecclesiæ neque de aliis liberis hominibus vel incolis, quæ rusticè Albani appellantur, in ipsa terra sanctæ Mariæ manentibus hoc agere præsumant, nec etiam eis quilibet ullam inquietudinem vel dominationem seu ullum bannum contra legem vel illicitam occasionem facere studeat, neque censum quem dicunt foraticum, neque ripaticum, neque salvaticum, seu ullam redhibitionem de terra sanctæ Mariæ vel de supermanentibus accipere aut exactare audeat. Sed liceat sepe nominato Episcopo Ynchado ac successoribus suis quietè ipsam insulam secundum propriam voluntatem ordinare atque gubernare & in ipsa terra sanctæ Mariæ tam tabernas quam alias suas necessitates sine alicujus redditione exercere. Præcipimus etiam atque jubemus ut de regali via ex parte sancti Germani à sancto Mederico usque ad locum qui vulgò vocatur Tudella

V V u u i j

An. 810.  
Ex primo  
chartulario  
Ecclesiæ  
Parisiensis.

in ruga sancti Germani, neque in aliis minoribus viis quæ tendunt ad monasterium ejusdem prænominati sancti Germani, ullus Missus dominicus aliquam judiciariam potestatem ibi exerceat, neque aliquem censum, neque tipaticum, neque foraticum, neque ullum teloneum recipiat; sed Missus Episcopi secundum propriam voluntatem ordinet; & Advocatus ejusdem Ecclesiæ tam de ipsa terra sancti Germani quam de prædicta terra sanctæ Mariæ in insula posita rectam ac legalem rationem reddat sine aliqua judiciaria potestate inibi vel banno, nisi in mallo legitimo vel regali placito, sicut lex Ecclesiæ præcipit. De liberis autem hominibus qui super terram ipsius prædictæ Ecclesiæ Parisiæ commanere videntur, ac eam persolvere noscuntur, volumus ut sicut in præcepto Pippini avi nostri continetur, nullus in hostem pergat nisi unâ cum Episcopo ipsius Ecclesiæ, vel secundum suam ordinationem remaneat; & neque de ipsis hominibus supra terram sanctæ Mariæ manentibus, aliquem censum vel aliquam redditionem aliquis de capite eorum accipere præsumat quæ à longo tempore dare consueverant & futuris temporibus persolvere debent; sed quicquid inde sicut noscitur exigitur aut sperare poterit, per omnia pro amore Dei & sanctæ Dei genitricis Mariæ præfato Ynchado Episcopo suisque successoribus libenter concedimus, & gratuito animo auctoritate nostra confirmamus ut nullam etiam distractionem de hominibus super terram sanctæ Mariæ manentibus judiciaria potestas exercere præsumat, nisi, ut supra diximus, in mallo legitimo Comitum, & ibi unâ cum Advocato Parisiæ Ecclesiæ venire non differant, & rectam rationem ac legalem justitiam adimplere cogantur. Hæc verò auctoritas ut firmior in Dei nomine habeatur, & à fidelibus sanctæ Dei Ecclesiæ & nostris diligentius conservetur, manu propria eam subter firmavimus & anuli nostri impressione signari jussimus.

Durandus Notarius ad vicem Frudigisi recognovit & subscripsit.

Datum x v. Kal. Novembris anno Christo propitio v. i. imperij Domini Ludovici piissimi Imperatoris.

Actum Aquisgrani palatii publicè in Dei nomine feliciter. Amen.

### XXXVII.

#### *Præceptum Ludovici Pij Imperatoris pro Ecclesia Parisiensi.*

An. 810.  
Ex eodem  
charulatio  
Ecclesiæ  
Parisiensis.

**I**N nomine Domini Dei & Salvatoris nostri Iesu Christi. Ludovicus divina ordinante providentia Imperator Augustus. Si petitionibus sacerdotum in quibuslibet necessitatibus ecclesiasticis nostra auctoritate sublevandis consulimus, & ad ministeriam eorum liberis exequendum opem ferimus, à summo Pontifice Domino nostro Iesu Christo æternæ remunerationis largiri nobis præmia non ambigimus. Proinde notum sit omnibus fidelibus sanctæ Dei Ecclesiæ & nostris præsentibus scilicet & futuris quia vir venerabilis Inachus Parisiæ urbis Ecclesiæ Episcopus detulit se-

renitati nostræ quendam auctoritatem quam Dominus & genitor noster bonæ memoriæ Karolus gloriosissimus Imperator ad petitionem prædecessoris sui Enchenradi ipsius civitatis Episcopi fieri jussit; in qua continebatur insertum quod per incuriam & negligentiam custodum ipsius Ecclesiæ strumenta cartarum exusta vel concremata sive perita fuissent, per quæ scilicet quòd plures nobiles viri pro remedio animæ suæ res & mancipia ad ipsam delegaverunt Ecclesiam, & quòd idem genitor noster per eandem confirmasset auctoritatem ut res & mancipia quæ in eisdem instrumentis inserta fuerant, & unde prædicta Ecclesia eo tempore legibus vestita erat, jure ecclesiastico securè & quietè rectoris ipsius Ecclesiæ futuris temporibus tenerent atque possiderent. Petit etiam prædictus Inachus serenitatem nostram ut pro mercedis nostræ augmento & firmitatis studio eidem Ecclesiæ more paterno nostram auctoritatem super hoc negotio fieri juberemus, per quam modernis & futuris temporibus res & mancipia quæ per præfata strumenta cartarum eidem traditæ fuerant Ecclesiæ, firmiter, quietè, ac securè à prælatis ipsius Ecclesiæ haberentur vel possiderentur. Nos itaque inspecta eadem auctoritate Domini & genitoris nostri, libuit nobis ejusdem venerabilis viri petitionibus assensum præbere & paternæ auctoritati hanc quoque nostram jungere auctoritatem. Præcipimus ergo atque jubemus ut omnes res & mancipia quæ ex liberalitate eisdem collatæ fuerunt Ecclesiæ, nostris & futuris temporibus per hanc nostram auctoritatem rectores ipsius Ecclesiæ absque ullius inquietudine vel injusta interpellatione quietè & securè habere vel possidere valeant. Quòd si fortè super eisdem rebus ante prædictam exustionem à prælatis ipsius Ecclesiæ jure possessis quæstio orta fuerit, ut pro eis legaliter in foro discipari necesse sit, ita per hanc nostram auctoritatem eisdem res & mancipia ipsius Ecclesiæ defendantur sicut per eadem instrumenta, si igni absumpta non fuissent, legibus defendi poterant. Hæc verò auctoritas ut firmior in Dei nomine habeatur, & à fidelibus sanctæ Dei Ecclesiæ & nostris diligentius conservetur, manu propria subter firmavimus, & anuli nostri impressione signari jussimus.

Signum Ludovici piissimi Imperatoris.  
Durandus Diaconus ad vicem Frudigisi recognovit.

Data i v. Kal. Novembr. anno Christo propitio v. i. imperij Domini Ludovici Imperatoris. Actum Carisiaco palatio publiciter in Dei nomine. Amen.

### XXXVIII.

#### *Præceptum Ludovici Pij Imperatoris quo confirmat auctoritatem Archiepiscopi Senonensis in monasteria diocæses Senonensis.*

**I**N nomine Domini Dei & salvatoris nostri Iesu Christi. Hludovicus divina ordinante providentia Imperator augustus. Si illius amore cuius munere ceteris mortalibus prælati sumus, soli Deo sub sancta militantis ad laudem valliam.

An. 811.  
Authenti-  
cum exat  
apud e. v.  
An. Vio-  
nem Heto-